

九	二	漢
七	四	書
五	〇	門
五	八	
七		
五		
冊	架	函
號	類	

九	二	漢
七	四	書
五	〇	
五	八	
七		
五		
冊	架	函
號	類	

內閣文庫	
番號	漢 9248
冊數	75 (75)
函號	296 100

成案質疑

斷獄四
河防
逃入
營造

卷二十八之二
三十一
終

七十五終




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



決罰不如法

酷刑致死盜犯

淺草文庫

康熙三十四年 月刑部看得夏邑縣革職知縣張豹濫刑致斃盜
犯劉三一案據河撫顧 審擬杖罪具題查該縣拿獲行劫畢淵家
盜犯孟五劉三千康熙三十三年十一月初三日審訊孟五不刑自
招劉三狡口不認張豹輒用軟縲將劉三之腿連縲二次以致腿折
越十五日殞命歷審情實張豹合依酷刑官員輒用非刑慘刻刑具
傷人因而致死者文官發原籍為民律應發回原籍為民不行稟阻
之經承程若用刑之捕役王五俱合依不應重律杖八十遇熱審減
等各折責二十五板革役奉

旨依議

決罰不如法

卷二十八 斷獄

決罰不如法

官司決人不如法

康熙三十四年 月刑部看得臨海縣革職知縣王懿穀刑酷一案
據浙撫王 審擬杖罪具題前來查王懿穀因造戰船差役蔣玉權
運木植蔣玉轉託白役李光曉代催強勒民人鄭兆貴檣運兆貴不
從遂相角毆蔣玉以毆差聳稟懿穀差役鄭鳳行拘兆貴鄭鳳詐銀
二兩四錢蔣玉又以李光曉毆傷爲由詐買藥銀四兩懿穀于齋戒
日期內將兆貴責二十板逾旬日復因兆貴有衙役詐銀之語行拘
覆審兆貴至縣前身死歷審情真王懿穀除擅用白役違例用刑等
輕罪不議外合依官司決人不如法因而致死律杖一百係職官照
律收贖仍追埋葬銀十兩給付死者之家王音徐英俱合依行杖之
人減一等律杖九十折責三十五板李光曉蔣玉合依違禁用白役
者正身衙役與白役各杖一百例各杖一百折責四十板鄭鳳合依

決罰不如法

枉法贓一兩至五兩無祿人減一等律杖七十折責二十五板均革役所得之贓照追入官奉

旨依議

官司決人不如法

康熙四十五年 月刑部議據河撫趙 疏稱輝縣革職知縣 賦性殘忍濫刑虐民到任之時點定皂隸十六名每班八名伺候 用大板因而民怨沸騰壯丁李三失悞查夜尹烈隨責李三腿灣十 五板以致傷重越三日殞命屠戶陳起蛟買脩祭猪遲悞尹烈親自 先打嘴巴拳頭又責腿灣十五板越五日殞命羊行李林吾領脩祭 羊尹烈噴其病羊塘塞怒責林吾十五板以致腿爛三月方愈家人 周貴韓升雖未得贓但求索情真以上各款委無挾仇故勘情弊將 尹烈等擬以杖罪具題查尹烈責打李三等腿灣並非醫腿受刑去 處尹烈合依官司決人不如法于人虛怯去處非法毆打及親身以 手足毆人至死律杖一百徒三年已經本案革職照例折贖俱免仍 向尹烈名下追埋葬銀一十兩給付死者之家家人周貴韓升各照

決罰不如法

斷獄

三

不應重律杖八十奉

旨依議

監臨官非法毆打致死

康熙五十九年正月刑部議得荆州右衛革職守備馬爾駿打死李世俊一案據湖督滿丕疏稱緣康熙五十七年三月內李世俊赴南糧道告祝芳聲等批飭荆州同知移行該衛解審爾駿票差陳忠等拘喚李世俊祝芳聲等于三月二十五日赴衛點解世俊不服點解同弟世希輒行詈罵爾駿喚家丁劉忠等鎖執以致世俊弟兄擊碎堂椅世俊欲毆爾駿爾駿接椅柱還毆世俊額顛等處家人劉忠等幫毆世俊是夜殞命歷審情真馬爾駿應照監臨官非法致死人律杖徒但已于虧空案内擬徒五年應于彼案完結將熊卜男擬以徒罪援免具題馬爾駿應照監臨官因公事于人虛怯去處非法毆打致死律杖徒追埋葬銀一十兩但馬爾駿先因侵盜倉庫錢糧四十兩律不准援免擬徒五年至配所折責四十板應于彼案完結仍向

伊名下追埋葬銀十兩給付死者之家熊卜男合休聽使下手之人
減一等律杖九十徒二年半但事在

赦前應免罪革役脫逃之劉忠等免其緝拿奉

旨依議

擅用重板致斃民命

乾隆三年六月刑部會議覆叅革南漳令劉懃縱役杖斃民人王明
山一案據湖督德 疏稱王明山原佃種陳施氏之田陳施氏因嫁
女之費將田囑托伊姪陳傳出名立券典與王子九李漢甫為業王
明山踞莊不遷復私挖田水致王子九等赴縣具控該叅令劉懃於
六月初二日齋戒之日審訊怒其刁頑撲責皂隸鄢良佐姚全見劉
懃嗔怒遂用重板致傷王明山右腿擦傷腎囊破皮王明山因病後
受杖殞命嗣王明山之妻閆氏赴縣呈控劉懃令楊茂和息楊茂途
遇劉天培陳林商同說和祇因王子九李漢甫所當之田係陳傳出
名賃當伊母張氏惟恐拖累遂向王輝章之母借錢三十七千邀同
劉天培趙鬍子并王輝章等賄給閆氏投遞攔詞劉懃又密喚張伯
交給銀四兩轉托閆氏親家朱元科換錢伍千給與閆氏以作棺木

斷訣

五

決罰不如法

之費研訊各犯堅稱王明山致死委因病後受杖擦破腎囊並無賄
囑故勘情弊屢審不諱將劉懽擬杖追埋鄔良佐等擬以杖笞收贖
等因具題除劉懽違例用刑及以財賄和贓止四兩并匿命不報已
於本案革職不議外應如該督所題劉懽合依官司決人不如法因
而致死律杖一百照例納贖仍追埋葬銀十兩給付死者之家皂役
鄔良佐姚全審無受賄故勘情弊均合依行杖之人減一等律各杖
九十聽從徃和之楊茂照不應重律杖八十均照例發落仍俱革役
聽從徃和之劉天培王輝章趙鬍子均合依私和公事律各笞五十
保領陳林踈脫之張天寵照不應輕律笞四十閻氏受財私和並非
應抵之案未便照私和夫命律科罪但律無正條閻氏合比依詐欺
官私取財律杖九十係婦人照例收贖查閻氏事犯在乾隆二十年十
二月初四日

恩詔以前應請免罪免贖所得錢三十七千照追入官脫逃之陳林緝獲
另結張伯交未元科並未在場應與審無賄囑之王子九李漢甫均
免置議陳張氏慮子拖累借銀和息事在

赦前亦應援免再查笞杖人犯發保脫逃例有處分其踈脫職名應令該
督查明補叅奉

旨依議

本官酷責皂隸致死

康熙五十一年六月吏部議宜陽縣叅革知縣朱光輝濫刑一案據
 河撫鹿 疏稱光輝赴倉收穀因皂隸楊炳失悞伺候杖責三十又
 復掌嘴二十抄楊炳受傷殞命光輝合依官司決罰不如法因而致
 死者律杖一百已經革職照例折贖追埋葬銀十兩給付死者之家
 奉

旨依議

斷罪引律令

官員枉法改發遼陽

康熙三十二年七月刑部看得楚雄縣革職知縣柴 婪贓一案據

雲督蔡 具題查柴 除

赦前人已贓銀四十兩六錢不議外

赦後入已贓銀七十六兩零五分合依凡官因事受財計贓科斷有祿人

枉法贓五十五兩杖一百流三千里律流徙尚陽堡應改發遼陽追

銀分別入官給主庫吏姚汝讓吏書蕭成等不行實供合依不應重


杖知府劉 不加詳審應交與吏部但該督疏稱初審雖有未協會

審已得確贓似非別員審出可比等語應毋庸議再查官犯贓十兩

以上無流徙尚陽堡之例將柴 引擬此例承問各官應交吏部議

查引律稍有未協應毋庸議奉

旨依議



婦人犯罪

孕婦產後行刑

康熙二十九年二月刑部覆浙撫張鵬翮查馬氏配與李文旭為妻
文旭賣烟未歸林君昌與馬氏通姦有孕文旭回家馬氏與君昌用
繩拴於文旭頭頸抽勒斃命馬氏依因姦謀死親夫律應凌遲處死
係孕婦產後百日行刑林君昌依姦夫謀殺親夫律擬斬奉

旨依議

緣坐應流減等之婦人幼子准贖

康熙三十年 月刑部覆案查何粹殺死親婦范氏一案將何粹改依殺一家在死罪三人律凌遲處死財產斷付死者之家妻子流二千里遇赦減等徒三年等因具題咨行直撫去後今據該撫咨稱何粹有妻李氏子小保年三歲應否照有力圖內之例收贖等因前來該撫既稱何粹妻李氏係婦人子小保年三歲准其照有力之例收贖相應移咨該撫可也 附司詳查得凌遲兇犯何粹名下財產妻子前蒙憲准部咨檄令將財產給付死者之家并查明妻子詳報定地發配等因遵即行據河間府呈據鹽山縣申稱兇犯何粹財產應付死者之家但死者係寡婦范氏與子小道士母子二人俱被慘殺除外並無親屬無憑給付惟有同時被殺死小五姐之父何福周現在應否給付收領至查何粹有妻李氏止有一子小保年方三

歲災斃子母似不便發驛充徒應否照依婦人幼小律收贖等因呈請前來伏查范氏母子俱遭慘戮所有財產無憑給付惟有同時被殺小五姐之父何福周現在應否將何粹財產給付福周收領再何粹之妻李氏于小保年甫三齡均係緣坐之人律應擬流因遇熱審例得邀恩減等為徒但律例內婦人童穉並無擺站之條則李氏母子應得從寬而收贖矣查婦人收贖圖內杖一百徒三年者准贖銀三錢今李氏母子係止徒三年並無擬杖之處亦應照餘罪收贖共該銀四錢五分合無呈請核奪咨請部示 院批查殺一家三人條內無收贖字樣即老幼收贖條內開載十五以下犯流收贖註云殺一家三人家口會赦猶流者不用此律是不應收贖明矣今李氏遇熱審減徒仰將李氏同伊子發唐縣軍城驛徒三年取到驛收管送查限滿詳明釋放其何粹名下家產即斷付何福周收領取領收送

查繳 覆詳查得何粹殺一家非死罪三人一案其緣坐之妻子計蒙准咨擬徒繳令查明定例詳覆定地發配本道因查得伊妻李氏乃係婦人伊子小保年甫三歲均擬發配故具詳呈請收贖茲蒙以殺一家三人條內無收贖字樣即老幼收贖條下註內云殺死一家三人家口會赦猶流者不用此律蒙定地發配仰見憲臺詳慎至意敢不祇遵第本道細釋律文其殺死一家三人條內無收贖字樣者蓋緣緣坐者乃係流罪也夫流罪人犯流之他省不過要插為民而已並無餘事故即老幼收贖條註內亦稱殺死一家三口者不用此律推造律之意原因一為懲創兇惡起見一為婦人孩提亦勢所可流也至若徒罪人犯非責令做工即責之擺站乃係男人所為之事而非婦人孩提之所能為也故細查律例惟有不准收贖之流罪從未有責令做工擺站之徒罪婦人孩提不准收贖也今何粹之妻子

因犯在不赦之條按律擬流又以時逢熱審得邀減等之典若仍發配充徒將令坐守食粟似非

朝廷懲兇輝惡之至意將令擺站做工又豈婦人孩提之所能為今本道揆情按法若止照婦人老幼收贖之例收贖似乎情重法輕而律文又無正條應否照有力圖內之例餘杖一百之外各贖銀十七兩五錢庶得情法兩平或俯賜咨明大部或遵照所定之驛發配充徒合再詳請核奪 院批何粹妻子會赦猶流既不合老幼收贖之律即該道請照有力圖內之例收贖亦為不合仰候咨請部示刊以另檄行知繳

死囚覆奏待報

齋戒日正法

康熙三十一年三月江撫鄭 䟽本年冬至以前于齋戒之日違例正法人犯之長洲等縣應交與吏部議應將長洲縣等均照例罰俸六個月

停刑時處決

康熙二十九年九月東撫佛倫疏強盜王三等奉

旨着卽處斬寧海州將王三等六月初六日處斬訖應將署寧海州事登

州府同知崔照例罰俸六個月

停刑日用刑照溺職例處分

康熙六十年八月吏部議得兵部堂主事齊賧身為職官不遵法度

於停刑日私用官刑甚屬不合應將兵部堂主事齊賧照溺職例革

可也奉

旨依議

滿洲罪犯解部正法

康熙四十三年七月刑部議福督金世榮疏查該督原疏內胡老大八角太係滿洲解部正法臣部等衙門題覆移咨該督甚明今該督不將胡老大八角太照例解部遠在彼地正法殊屬違例應取違例各官職名題叅到日交與刑部議嗣據該督題吏部覆署按察使事高熊徵杭州知府石文彬錢塘知縣王毓美均于現任內罰俸六個月奉

旨依議



成案質疑

武林洪引緒
臯山甫
同斬
繡谷饒
瀚敦夫甫

營造

擅造作

飾詞推諉不修城路

捐資辦理公務

不赴工効力捏詞推諉

冒破物料

同知營私不法

造作過限

不造衙署營房

朽船變價遲延

修船估價遲延

協船不修

修理倉庫

不應修之衙署經手修葺

成案質疑

武林洪弘緒臯山甫

繡谷饒瀚敦夫爾 同輯

營造

擅造作

飾詞推諉不修城路

雍正四年 月刑部覆准兵部叅送發往宣化修城修路革職總兵

官李根潤並不興工飾詞推諉一案李根潤係貪婪不法聲名不好

革職之員奉

旨免其治罪交與原任宣化總兵官許 令其修城修路効力贖罪理應

極力報効以贖前愆乃並不攜帶絲毫銀兩興工修理殊屬可惡除

李根潤所有家產兵部已劄行順天府嚴查變價解赴宣化交與總

兵修城修路外應將李根潤比照凡應納課銀隱匿不納欺罔官司者並計所虧欠物數准竊盜論罪止杖一百流三千里律僉妻流三千里至配所責四十板奉

旨

捐資辦理公務

雍正十三年九月兵部議覆雲撫張 奏稱據夔慶府監生候選州同黃坤呈稱伊父黃天佑原任福建延平協遊擊以年老告歸久沐聖恩涓埃未報自計田園粗足衣食上年捐銀二百兩修理橋梁今愿捐銀五百兩修治蓬密一帶大路即送本府知府確佑修治又稱學宮便門舊開西廡之後繼移正殿右側于文風有碍似宜仍照舊制今奉父命捐貲二百兩以供改作等情伏查黃天佑官不過遊擊家亦非豐饒查與義舉加意文風伊子黃坤順承父命不吝捐金亦為難得除會同督臣酌議獎勵外理合奏明等因查黃天佑係福建延平協右營遊擊于康熙六十一年四月內以年老患病乞休臣部議以原品休致在案今該撫張 奏稱黃天佑同子捐銀九百兩興修橋梁學宮等語應將黃天佑酌量議敘于原品准加頂帶一級黃坤准

其應得之缺歸于雙月四選一陞之後選用仍令該員取赴選文結到部以憑查核奉

旨依議

不赴工効力捏詞推諉

雍正七年十一月刑部議覆蘇撫彭 疏稱緣清河一邑向無常平倉廩各貢監所捐例麥俱貯鄉鎮廟宇之內經揚州府赴淮盤查清和縣革職知縣李清卽水陸兼運至漕倉貯候盤驗該縣並不將運盤例麥情由預行詳明經過倉傍小口管理准關監督年 題叅奉旨革職令其自備資本于水利工程効力詎李清並不赴工承辦僅出銀三百兩交付蘇松道庫發夫公用又經原任巡撫陳 題叅發審令提犯嚴審李清平日居官貪婪之處不特李清堅供在任未久不敢爲貪贓犯法之事確查李清本任內並無貪婪劣跡取有清和縣印結在案惟詰其違

旨推諉怠玩之處李清身犯罪譴蒙

聖恩寬宥不卽加以重典僅予革職令其備資于水利工程効力乃並

不竭蹶赴工寔心承辦致經叅審猶復以家貧無力致辨其推諉玩
悞罪實難辭應照鄭晃派修河道推諉遲悞例枷號兩個月責四十
板仍令水利工程効力一面咨查原籍豫省將家產變賣充費倘有
隱匿寄頓加倍治罪等因具題應如該撫所題李清照例枷號兩個
月責四十板仍令水利工程効力一面行文豫省嚴查家產變賣充
費奉

旨李清到任未久居官既無甚劣其枷責留工變產之處俱着寬免

冒破物料

同知營私不法

乾隆三年八月刑部會議覆杭州府西塘蔡革同知胡士圻營私不
法一案據浙督稽 疏稱原叅胡士圻以葬親為名得受賄分銀兩
一欵訊據胡士圻供稱乾隆元年二月內給假葬親同工各官親友
賄儀奠分槩不收受惟有路途遙遠帖開祭品折銀備辦計共收銀
七十二兩又收豬羊等物計銀四十二兩零是寔並無三百餘兩之
多訊據承管酒米食用人凌步青及家人劉喜兒俱無經手過付銀
兩情事又原叅効力州同蔡洪垂向胡士圻投拜門生送銀一欵訊
據蔡洪垂供稱乾隆元年二月內承築東塘土戲因不諳工程向胡
士圻講究做法並無投拜門生送銀一百兩之事研訊胡士圻并劉
喜兒堅供如一又原叅効力州同徐淵承築遠城土戲託胡士圻囑

冒破物料

令凌步青向徐淵索取賄貼銀一百兩復將工程勒交把總潘有隆承築扣尅銀七十兩一欵訊據徐淵供稱乾隆元年五月內委築遠城土餞恐未合式胡士圻係兒女姻親又係該管工程故託胡士圻照看轉託把總潘有隆完築是實並未令凌步青索取賄貼銀兩實訊胡士圻供亦無異并稱寔無扣尅潘有隆銀兩凌步青亦無說合情事再質之潘有隆亦無扣尅情事查徐淵承築土餞原估銀四百四十五兩零徐淵購用椿埽銀十二兩零外餘銀四百三十二兩零先與潘有隆買土趕做已用銀三百九十一兩零工程約有九分以外適徐淵患病告假胡士圻代發銀十兩令潘有隆代爲築完迨工程告竣之後始付交銀三十二兩已符四百三十餘兩之數以上各欵據官犯供明不諱擬議具題除胡士圻訊無辜蔡洪垂我拜門生收受禮銀其收受同官親友折祭禮銀猪羊等物係交際禮儀非同職

私俱毋庸議外該督既稱胡士圻將徐淵承築工程因親包攬雖未索得賄貼銀兩但其勒派潘有隆辦築完工又不將錢糧隨時找給勒指留難殊屬瀆職已於本案革職毋庸議等語應毋庸議凌步青劉喜兒該督既稱訊無經手過付情事應均毋庸議再該督既稱効力州同徐淵將自已應築塘工私行轉託聽其勒派留難亦有不合相應聲明聽候部議蔡洪垂並未送禮投拜門生應請復還州同職銜等語查効力州同徐淵將奉委承築塘工私托伊親胡士圻照看聽其勒派留難亦屬不合應將効力州同徐淵比照官員將事務交與不應交之人例於補官日罰俸一年有紀錄二次應銷去紀錄二次免其罰俸至効力州同蔡洪垂先經該督以投拜門生餽送禮銀題參革去職銜在案今該督既經審明蔡洪垂並未送禮投拜門生應請復還州同職銜等語應將効力州同蔡洪垂原參革去職銜之

案准其開復至徐淵名下承築士餞應令該督報明工部查核可也

奉

旨依議

造作過限

不造衙署營房

康熙三十年 月吏兵二部覆工部題張家口蓋造衙署營房道員董景祚推諉至今未經蓋造等因查定例官員將安插官兵居住房屋不行修理安插以致佔住民房着罰俸一年等語張家口蓋造營房推諉至今未經蓋造不便照此例議處應將口北道董景祚通判高 守備黃 照官員修造炮臺邊界烽墩等項不速行修造完結遲延者降一級留任例各降一級留任奉

旨依議

朽船變價遲延

康熙二十九年八月吏兵二部議總漕董訥疏長淮衛交廠船板木變價銀兩抗不完解具題查定例官員將朽爛船隻不行估價申報者罰俸一年等語除經徵守備茅別案革職毋庸議外應將遲延淮安府同知王隆熙照此例於補官日罰俸一年奉

旨依議

修船估價遲延

康熙二十九年十月吏部議江督傅臘塔疏稱廟灣營詳請修理號船四隻隨批准安府查估兩個月之限已滿尙未估計將淮安府知府單務按照例罰俸一年奉

旨依議

協船不修

康熙二十九年十月吏部覆兵部咨閩省陸續回京眷口需船實多撥揚屬宜撥船赴淮協應今如臯縣額設船隻不行修理該撫將久抗不遵遲悞修船之知縣王所誣題叅等因查定例並無不修協船處分之文應照官員奉委修造漕船日久不完竣者降一級調用例將如臯縣知縣王所誣降一級調用奉

旨依議

修理倉庫

不應修之衙署經手修葺

康熙四十一年正月戶部議廣撫蕭永藻題覆前撫彭鵬疏布政司
檄行九府屬為修理撫院衙門發銀一千兩據藩臬二司詳稱委係
官捐等因查修理衙門銀兩雖係官捐其所剩之銀俞品雖無入已
但俞品身係職官將不應奉行之事經手料理殊屬不合查定例內
官員將不應修理之船隻限前混行申詳修理者降二級調用等語
應將原任太平府通判今陞直隸河間府同知俞品照此例原任降
二級調用奉

行依議

成案質疑

河防

盜決河防

保題別處諳練河員

清河官員議叙

題留丁憂河員

擅築堤岸

失時不修隄防

派修堤岸冲决

承追河工銀兩

武林洪印緒皋山甫
同輯
繡谷饒 瀚敦夫甫

河銀厘毫尾欠報完

河工錢糧解送遲延

河銀歲外完解

河工應賠銀兩

非管河官承追賠銀

捏報起解土方銀兩

閉關快漕

修理橋梁道路

遲誤搭橋

成案質疑

武林洪弘緒臯山甫

同輯

繡谷饒瀚敦夫甫

河防

盜決河防

保題別處諳練河員

康熙三十五年五月吏部覆總河董題前宿虹同知今陞刑部員

外郎李言請以補授河南管河道查九卿會議定例內黃運兩河甚

是緊要關係運道民生必須諳練河務有才品者該督保題吏部照

前例補授其別處官員不准坐名補授等語李言係現任刑部員外

郎與例不符應將該督所題之處毋庸議奉

旨該督既稱李言熟諳河務年久着照所題陞補

清河官員議叙

康熙四十二年六月吏部覆直撫李光地疏稱霸保文大等十二州縣清河堤岸設立管河同知及州判縣丞主簿等項專官經管修理查清苑縣管河縣丞彭兆邕等六員已經三年屆期所管堤岸並無衝決坍場勤勞稱職保題前來查康熙三十七年七月內臣部覆原任河道總督王新命疏稱設立管河同知及州判縣丞主簿等項專官經管以時修理部議定例各官三年滿日果能勤敏稱職照永定河之例該撫保題到日以應陞之缺卽行陞用等語且分司朝琦俸滿已經准其應陞在案今該撫既稱彭兆邕等六員已經三年屆期各屬所管堤岸加意修築並無冲決坍場勤勞稱職等因保題應將彭兆邕等應陞之缺卽行陞用奉

旨依議

題留丁憂河員

康熙三十五年三月吏部題總河董 題查原任山東濟東道今丁
憂佟國聘該督既稱精明練達石工尤為諳練等語應如所題將佟
國聘准其河工監理奉
依議

擅築堤岸

康熙三十八年十一月刑部覆工部疏寶坻縣屬河堤李德貞鄭三
等所築子堤既係擅築應令該撫將擅自築堤之民李德貞等照例
治罪將族人鄭三解送刑部咨送前來查律例內擅自築堤作何治
罪並無正條應將鄭三比照凡故決河者杖一百徒三年律杖一百
徒三年係族人枷號四十日鞭一百奉

旨依議

失時不修隄防

派修提岸冲决

康熙三十四年八月吏部覆總督倉場咨員外包格派修理提岸完
工又經冲决雖供復又修完查定例官員將通衢大路要緊堤橋不
行預期修理以致冲决損壞者府州縣官各罰俸一年包格係派修
理之官不便照此例應將包格降一級留任罰俸一年奉

旨依議

承追河工銀兩

康熙四十五年六月吏部覆工部咨直無趙弘燮以候選州同華兆麟捐納知縣應繳加捐等銀又宛平縣人張六捐贖絞罪應繳加捐節省銀兩半年限滿查無完報咨奉應交吏部等因應將原咨承追華兆麟張六名下銀兩未完之大興縣知縣李錦宛平縣知縣王言均照例各罰俸一年期限半年督催奉

旨依議

河銀厘臺尾欠報完

雍正十三年閏四月工部議覆署理江南河道總督卞務高題請
 開復英山縣知縣趙宗良停陞一案查英山縣未完尾銀祇九塵九
 渺三漠七絲為數不及絲毫該管上司何難於題報河銀考成之時
 卽飭令該縣照數補庫以清款項乃仍入未完項下造冊題報始則
 議處停陞為報完開復以隨時可結之件數番陳奏於公事毫無
 裨益徒滋胥吏等營私舞弊之端殊為未協嗣後凡州縣經徵河銀
 如有此等未完厘毫尾數易結之案當卽飭令補庫造入已完項下
 毋得徒滋案牘可也奉

行依議

河工錢糧解送遲延

康熙三十八年六月吏部覆工部咨永定河需用錢糧于守道庫內
 取用陞任撫臣于成龍具題行文在案斯時該道理應酌量撥給錢
 糧乃遲延以致分司吳祿禮以貽悞呈報查定例內官員解送錢糧
 等項沿途停擱日期者罰俸一年等語應將解銀遲延之守道高必
 引照此例罰俸一年奉

旨依議

河銀歲外完解

康熙三十九年八月吏部議覆署總河徐廷璽以江蘇等八府州屬
康熙三十七年分河銀歲外完解各官開列題參宿遷縣知縣胡三
俊等八員照官員解送錢糧等項沿途停攔日期者各罰俸一年奉
旨依議

河工應賠銀兩

康熙三十九年十一月工部覆直撫李光地咨原任武清縣知縣祖
應世名下應賠康熙三十三年修築夏兒渡等處堤岸銀年限已滿
仍無完解咨參前來查新例內河流不移者將管河官革職戴罪勒
限半年賠修分司道官各降四級督賠工完開復現今應賠工程總
河具題動帑修築者甚多將此應賠銀兩亦照賠修之例勒限處分
等語應將原任武清縣知縣祖應世照例革職勒限半年賠完承追
不力武清縣知縣章 燕此例降四級督完如限滿不完照例題參
奉

有祖應世着革職留任賠完餘依議

非管河官承追賠銀

康熙四十一年二月工部題大興縣知縣王廷聘承追威貢劉文燦河工應賠銀兩未完查定例堤岸冲决河流不移者將管河各官俱革職戴罪勒限半年賠修分司道官俱各降四級督賠工完開復等語大興縣知縣王廷聘非管河官員應照不作十分之雜項錢糧未完例降俸二級勒限半年戴罪督催歲貢劉文燦既經該撫咨明疏革未完銀兩作速催完報部奉

旨依議

捏報起解土方銀兩

康熙四十五年三月兵部議直撫李光地疏武弘澤應繳少土方加捐節省銀兩並未赴庫交納當日捏報之員係天津衛守備蕭查定例衛所官員起解錢糧並未起解申報起解者降二級調用等語應將天津衛守備蕭照例降二級調用奉

旨依議

閉關候漕

康熙五年六月吏部議總漕林 疏宿遷縣管河主簿杜榮春當漕
船盛行之際妄報黃河水漲擅自閉關閉壩稽遲重運難辭候漕之
咎應降一級調用奉

旨依議

修理橋梁道路

遲悞搭橋

康熙三十四年十一月吏部覆工部咨霸昌道金雲鳳遲悞搭蓋古
北口五處橋巧捏推諉是真查定例內與舉大工附近地方官不協
同設法募夫不將應需柳草等項一切物料以致遲悞河工者題參
將州縣降三級調用司道府各降二級調用應將密雲縣知縣孫國
輔降三級調用再查定例州縣官將未完之錢糧捏作全完轉報者
革職司道官各降二級調用等語霸昌道金雲鳳係特差承修之員
巧捏推諉不便照司道府之例議應革職奉

旨依議

遞解旂人脫逃

逃人踈脫不報

逃人不查明肘鎖解役換文

少差兵丁解逃踈脫

押解逃人未定撥兵名數

獲逃遲解革職

解逃遲延并不收審

買主保人違例並解

窩隱逃人

窩逃減等房地並免入官

開豁窩家

巧飾窩家出首

旂人窩逃地方官免議

不候部文拏解窩家

非正印官用印買人

旂人白契塗銷

白契賣身旂人仍照民例治罪

送部印契不錄送情愿賣身口供

買本處之民

逃人妻非契買聽其自便

偷嫁女兒斷銀免拆

成案質疑

武林洪引緒臯山甫
同輯
繡谷饒 瀚敦夫甫

逃人附

逃人

擅夾旂人

康熙三十年五月吏部議直撫郭 疏侯自秋控告東安縣知縣用
夾致死伊叔侯仲卿一案侯仲卿被夾之後患病身死知縣梁纘祖
違例擅夾旂人之咎難辭應將東安縣知縣梁纘祖照例降一級調
用

成案質疑

卷三十一 逃人

逃人

責打旂人有因

康熙二十四年七月兵部議覆津鎮劉國軒題守備徐耀因正白旗打鷹人趙得冒入衙辱詈不堪一時氣忿徐耀違例將旗人趙得冒擅責三十板是寔等因查定例官員擅行夾打旂人者降一級調用等語但趙得冒入衙將官辱詈守備徐耀一時氣忿責打並未擅將趙得冒叫赴審責相應將守備徐耀酌量罰俸一年可也奉旨依議

旂人脫逃

康熙四十六年二月刑部覆直撫趙旂人阿思太之父首泰吃酒行兇解部發遣良鄉縣典史僉差解役劉明等二名照例嚴加肘鎖于康熙四十五年二月二十日脫逃將劉明等照中途不覺失囚律減囚罪二等杖徒其僉差不慎之典史李海吏部比照越獄例任俸戴罪勒限一年緝拿

旗人屢犯逃竊比例發遣

乾隆三年九月刑部議覆福撫盧 咨稱劉殿榮係廂黃旗漢軍領
 催劉進孝家人該犯賦性凶悍屢次逃竊其主懲治不悛呈請充發
 相應將劉殿榮解部發遣等因到部審據劉殿榮供我從前原屢次
 逃走是實今主兒因我克悍不服管束將我送部發遣我有何辯處
 等語據此劉殿榮應照吃酒行克例面上刺字咨送兵部轉發三姓
 地方給與八姓一千兵丁為奴奉
 旨知道了

失察逃人後經接任官拿獲亦免議

康熙五十一年二月刑部覆先據密雲縣拿送正白旗包衣另尸間
 散商定平將民人趙燦之妻王氏戮傷一案本部將商定平發打牲
 處打牲其商定平在密邑居住數年地方官並未查出應行文直撫
 將失察之地方官職名查叅去後今據該撫咨稱康熙四十年十二
 月內有僧人覺暗係商定平道友託僧真潔轉荐住庵真潔引定平
 至關祿庵所居住今覺暗出口已久無從查訊應將引進之真潔斷
 作窩家但真潔年逾八旬又事在

赦前應予援免鄰佑地方人等均應免議其從前失察之密雲縣陞任知
 縣周鉞等俱事在

赦前署密雲縣事大城縣知縣王績雖有

赦後失察但已經本縣拿獲審解均應免議等因前來查該撫既稱商定

平係真潔引進應照例斷作高家但年逾八旬又事在

赦前應免罪其從前失察之地方官並僉主關祿及鄰佑人等俱事在

赦前均無庸議其

赦後失察之王績該縣既經將商定平拿獲解部亦無庸議仍知照該撫

可也

逃人脫逃照例僉差官免議

康熙三十年四月督捕議白得貞等供係有家產正身解役本縣官將逃人黃二王四親加肘鎖交與我們四人押解逃人等中途踈脫自行招認將伊等之妻及未分居之子孫家產人口房地冊查解一併照例流徙遼陽各責四十板房地冊交與戶部護兵陳萬倉並少撥兵丁百總劉成功行令該撫照例治罪發落嚴緝逃人黃二等豐潤知縣照例差正身有家產解役四名押解把總劉有功因公出境均應免議

逃解逃人脫逃

康熙五十年十一月刑部議平原縣疎防逃解逃人韓三等一案據東撫蔣陳錫疏稱逃解逃人韓三等于康熙五十年三月十一日解至平原縣該縣嚴加肘鎖每逃人一名差正身有家產解後二名分送德州不意天降大雨泥濘難行于本月十三日行至德州各犯帶鎖而逃除解役兵丁有無賄縱審明另報外將僉差不慎之平原縣知縣即天楨應指叅等因查定例內軍流徒罪等犯已加肘鎖多差解役脫逃者照越獄例處分越獄例內該管有獄各官俱任俸戴罪限一年督緝等語應將平原縣知縣即天楨任俸戴罪限一年督緝應仍令該撫將韓三等勒限嚴緝解部解役等有無賄縱一并審明定擬到日再議奉

旨依議

通解旗人脫逃

康熙四十三年四月吏部議旗人王天祿脫逃一案查定例廣西等
省拏解逃人經過地方官不差正身有家產解役及少差解役以致
脫逃者革職等語應將僉差不慎之初陽縣知縣陳宗泰照例革職
又定例官員將人犯不行速解遲悞者該管官罰俸六個月等語應
將來州知府照例罰俸六個月奉

旨依議

逃人踈脫不報


康熙二十年九月吏部覆督補疏 福建南平縣解役黎茂表坤將逃
人李五子踈脫情由照例治罪其知縣范時習踈脫逃人數月不報
又不查出解役沉批等因逃人踈脫數月不報及不行查出解役沉
批之處無有作何處分之例應將范時習酌量罰俸一年

逃人不查明肘鎖解役換文

康熙二十一年八月兵部覆督補疏灤縣守備將逃入鄧四得勝少差解役脫逃署理通州副將事遊擊惠瑾並不驗明有無肘鎖解役幾名竟行換文等因應將少差解役之守備陸照例革職署副將事遊擊惠瑾逃人解送到彼自應詳明有無肘鎖所差幾名給換批文並不詳明竟換批文以致脫逃應比照不行詳慎例罰俸一年

少差兵丁解逃疎脫

康熙二十二年閏六月兵部覆督補疏平溪衛守備遞解逃人周成等六名止差解役三名沅鎮把總王友忠止差兵丁三名以致周成等脫逃等因平溪衛應照例革職把總王友忠少差兵丁押解雖查無處分營官之例定例內護解逃人兵丁與逃人同逃者該管官罰俸一年應將王友忠比照此例罰俸一年



押解逃人未定撥兵名數

康熙四十六年九月兵部准江撫郎 咨江西逃解逃人朱士雄至江南宿松縣脫逃經安撫咨報奉部將少撥兵丁職名查叅等因查督捕定例逃人一名差役二名押解並未定有撥兵二名之例歷來俱係撥兵一名押解且朱士雄並非江西脫逃請免開職名等因查朱士雄該撫既稱並未定有撥兵二名之例且並非江西地方脫逃等語應無庸議嗣後逃解逃人一名合撥兵二名之處前經行文在案亦無庸議

獲逃遲解革職

康熙二十七年八月吏部議覆督捕疏稱逃人張斌寧津縣于四月初八日拿獲五月三十日方行起解知縣王顯德雖稱關查南安縣但關查之處並未預行報部展限難辭違例監禁滯遲之咎應將知縣王顯德照例革職奉

旨依議

解逃遲延并不收審

康熙二十八年二月吏兵二部議會州衛守備逃解逃人陳三違例遲延一個月零十日應照例革職又定例內盜案已經詳報彼此推諉將推諉之官降一級調用等語該撫疏內稱守備將逃人逃解該經廳宜收審督催轉解竟不收發回應將原任署監理廳事布政司經歷照依此例降一級調用

買主保人違例並解

康熙三十七年四月吏部覆督捕題完縣知縣高茂選不候部交將買主馬登雲保人孫起山並逃人違例一併拏解等因查定例內地方官將未離原籍土著之民作為逃人拏解者降一級留任等語應將完縣知縣高茂選照例降一級留任奉

有依議

高隱逃人

康熙三十一年 月督捕議除將逃人三元拐帶錢姐情由咨送刑部照例完結外據窩家劉二供三元我原認得帶伊妻到我家要住幾日我不道他們係逃人留住是實據此將劉二照例暫羈監移咨該撫將伊妻併未分居子孫家產人口房地冊籍查解到日一併流徙遼陽到彼處責四十板房地冊籍交與戶部兩鄰十家長地方照例發落通州知州程俊查解三人二口應註冊

窩逃減等房地並免入官

康熙四十年七月刑部覆先據玉田縣解到劉進寶到部審係正白旂石文貴佐領下金達子家用印賣的人逃出僱于民人宋堯先家緣由將逃人劉進寶照例完結交主外其引進之人林二斷作窩家伊母張氏並史明春賂佑例治罪遇熱審照例各減等移咨直撫照例完結去後今准該撫咨稱林二並史明春俱遵部議完結其張氏係婦人應收贖銀四錢五分追完交守道貯庫再林二一犯既蒙大部遇熱審減等改徒其妻子人口自應邀免至房地入官之處未蒙明示應否免其入官咨請部示遵行等因前來查得林二既已減等免流改徒其房地入官之處亦毋庸議應移咨知會該撫可也

開豁窩家


康熙二十二年三月吏部議督撫疏沾化縣知縣來咨內稱逃人李如栢係馬龍保在張進誠家居住馬龍似應斷作窩家但馬龍供逃人李如栢在張進誠家居住叫我作保我不會應承將我的名字如何寫了我不知道等語李如栢係張進誠如何私自央馬龍作保我不知道我不認得馬龍按此逃人李如栢係馬龍作保是虛張進誠窩隱是實該知縣黃鍾將真正窩犯張進誠開豁將良民馬龍稱係保逃人以作窩家等因查定例官員將真正窩家自審以爲無干空文回復或庇護逃人窩家作爲出首之人者俱革職等語應將知縣照此例革職

巧飾高家出首

康熙二十三年八月吏部議督捕疏房山縣知縣將捕役拏獲之逃
人巧飾係高家吳次樓出首解部等因查知縣王又沂將捕役所拏
逃人稱係高家吳次樓出首明係巧飾應降三級調用

旂人窩逃地方官免議

康熙四十八年七月刑部覆據直撫趙印燮咨稱肅黃旗下撥什庫
秦九家下逃入趙國祥首稱同旂鄧起坤佐領下趙文選家人何成
安將伊爾腿打折一案本部議覆將趙國祥照發遣處逃回犯罪律
發往該將軍正法其趙國祥在順義三河二處地方居住數年該縣
官員並不查拿行令該撫查參具題咨行去後今據該撫咨稱趙國
祥于四十二年七月內逃出在順義小營村旂人何成安家住寔係
旂下窩逃與地方官失察之例有別等因前來據此應將失察官毋
庸議



不候部文拏解窩家

康熙二十五年十月吏部議督捕疏正白旗蘇永袒佐領下邵頡爾合家白契所買人閩得亮等照例發落外其三河縣知縣彭鵬不候部文將閩得名作為窩家拏解難辭違例之咎應將彭鵬照例降一級留任

非正印官用印買人

康熙二十六年十一月吏部議刑部咨據王棟供秋夫妻稱係江西民得銀五十兩用了神武衛經歷司衙門印信賣與李世學本月十三日找尋着我原主母蘇氏蘇氏在內務府告了送部等語原任神武衛經歷司彭不係管民之官李世學買王棟違例用印等因查定例官員不遵定例妄用印信非正印官而擅用印信者降一級調用等語應將原任神武衛經歷彭照例於補官日降一級調用

旗人白契塗銷

康熙四十五年四月刑部咨江撫查郁六係鑲藍旗傅寧阿佐領下恩特家例後於三十九年間用銀二十兩白契買的人偷主銀二十兩逃走隨移咨該撫去後今准該撫咨稱查郁六堅供並未拐盜主銀伊父郁振吾賣女贖男情亦最慘將已完銀二十兩貯庫俟有便員帶解交主其帶逃銀兩恩賜給豁等因查郁六帶逃之銀該撫既稱無可追處相應免追將現貯潘庫銀二十兩解部交主之日白契塗銷各咨前去查照施行

白契賣身旗人仍照民例治罪

康熙四十七年 月刑部會覆直撫趙弘燮題劉三等盜竊宋文孝家墳塚一案將爲首之劉三擬絞監候爲從之張燦楊七僉供係白契係白契賣身之人本部行查該旗回稱並無其人因令該撫再行審明報部具題咨行去後今據該撫咨稱訊據張燦楊七僉供係白契賣身伊主年老存亡莫必並未配有妻室且又逃出日久無主承認况均在康熙二十二年十月以後所買之人請以民例發遣等因前來查該撫既稱張燦楊七俱係例後白契賣身並未配有妻室又各無主識認應如該撫所請照民例發遣仍知照該撫可也

送部印契不錄送情愿賣身口供

康熙四十二年 月戶部咨據山東濟寧州呈稱正黃旗佐領孫文成買得本州民人凌小大猫等男婦共三十二名口為僕將身契用印申報等因查定例州縣官將賣身之人取具情愿口供及保人口供用印申報戶部等語今該州止將凌小大猫等賣身契用印報部並不取具本人并保人情愿賣身口供朦混送部殊屬不合相應行令陳撫查明到日再議

買本處之民


康熙三十一年十月吏部議督捕咨太平縣解衛趙穩係原任員外即石顯貴做吉州知州時買的石顯貴違例買本省民人應交吏部議等因石顯貴於做官地方買本處之民應照例降二級調用

逃人妻奔契買聽其自便

康熙三十二年十二月督捕准刑部咨開據葉大恩告提伊妻胡氏緣由到部應移咨該撫查胡氏果否係葉大恩髮妻情愿歸旗完聚將人解部若不情願歸旗免其保候空咨覆部可也

偷嫁女兒斷銀免拆

康熙四十二年十一月刑部覆據浙撫張泰咨查定例內凡逃入外娶妻所生之女有聘嫁與民人者不便拆散不斷與逃人之主仍歸給伊夫等語又例內凡家僕女兒偷嫁與人若過五年免其夫妻拆離給銀四十兩等語今該撫既稱賀氏係莊成名贖身為民之後所娶之媳情愿守節等語應聽自便守節再女兒阿能既稱係莊成名贖身後娶媳所生之女已經婚配民人李夢庚為妻等語應照例免其拆離給與伊夫其七孩子係莊成名所生之女婚配民人趙楷于有三年等語應照例斷銀四十兩給主免其拆離四德係莊成名親孫給與徐世美仍知照該撫可也



日本問答
卷之三十一

